

ՈՒՐԱՐՏԱԿԱՆ «ԱՐԴԻՆԻ» ԱՆՎԱՆ ՍՏՈՒԳԱԲԱՆՈՒԹՅԱՆ ՇՈՒՐՋ

Լ. Ն. ԲԻՅԱԳՈՎ

Ուրարտական «Արդինի» անվան և նրա ասուրական համարժեքի՝ «Մուսասիրի» ստուգաբանությունը առ այսօր մնում է չպարզաբանված: Ասուրական աղբյուրներում այդ անունը հանդիպում է և՛ քաղաքի, և՛ երկրի բացահայտիչներով:

Մի շարք հետադադողներ առաջարկել են ինչպես ուրարտական անվան, այնպես էլ ասուրական «Մուսասիր» անվան տարբեր ստուգաբանություններ: Այսպես, Կ. Ֆ. Լեման-Հաուպտը «Մուսասիր» անունը մեկնաբանում է որպես «օձի դուրս գալու (վայրը)», իր կարծիքը հիմնավորելով տեղանքի հայեցողական դիտարկումով: Հնարավոր է, որ առաջարկելով այսպիսի ստուգաբանություն, Կ. Ֆ. Լեման-Հաուպտը նկատի է ունեցել Մուսասիրի Ուրզանա թագավորի կնիքը, որը դրոշմված էր աքքադերենով: Ինքը՝ Ուրզանան Մուսասիրը անվանում է քաղաք ագուավի (°), որի երախը շար (անմատչելի — Լ. Բ.) լեռներում բաց է ինչպես օձինը²: Ա. Գյոտցեն գտնում է, որ այն առաջացել է ասուրական šašīru(m) — «ծղրիդ, մորեխ» բառից և ենթադրում է, որ ուրարտական «Արդինի» անվանումը նույնպես առաջացել է ուրարտական, «ծղրիդ, մորեխ» նմանօրինակ արմատից³: Գ. Ա. Մելիքիշվիլին կասկածի տակ է առնում այդ ստուգաբանությունների հավաստիությունը:

Մհերի դուռն արձանագրության մեջ հիշատակվում է Արդի աստվածուհու անունը⁴:

Գ. Բ. Ջահուկյանը Ardini անվանումից անջատում է Ard արմատը և կապում ուրարտական ardiše — «ուժ, իշխանություն, կարգադրություն, հրաման» գոյականի հետ: Բացի այդ, նա հեռավոր ցեղակցություն է հաստատում հնդեվրոպական *ar-t-, *r-t- հիմքերի հետ (հմմտ. ալան. ար, «աստված»⁵:

Հաշվի առնելով, որ Ուրարտում, ինչպես և ողջ Հին Արևելքում տարածված էին աստվածանուններից կազմված տեղանուններ, Ն. Վ. Հարությունյանը «Արդինի» անվանումը կապում է Արդի աստվածուհու անվան հետ և ենթադրում է, որ խալդի աստծու պաշտամունքը ծագել է Մուսասիրում շատ ավելի ուշ, մոտավորապես Ռունա 1-ինի կառավարման ժամանակներում⁶:

¹ C. F. Lehmann-Haupt, Armenten einst und jetzt, Berlin und Leipzig, 1926, II, 1 S. 305—306.

² И. М. Дьяконов, Ассирио-Вавилонские источники по истории Урарту («Вестник древней истории», М., 1951, № 2—4 (այսուհետև՝ АВИИУ), 1, № 48).

³ A. Goetze, Muşas(ş)ir, Revue d'Assyriologie, Paris, 1952, XLVI, № 3, p. 156—159.

⁴ Г. А. Мелкишвили, Урартские клинообразные надписи, М., 1960 (այսուհետև՝ УКН), № 27, տող 23.

⁵ Г. Б. Джаукян, Взаимоотношение индоевропейских, хурритско-урартских и кавказских языков, Ереван, 1967, էջ 39.

⁶ Н. В. Арутюнян, Бпайинли (Урарту), Ереван, 1970, стр. 354—355.

«Արդինի» անունը ուրարտական բոլոր տեքստերում ունի քաղաքի բացահայտիչ՝ URU⁷: Բայց գրության մեջ ուրարտական գրիչները պարզորոշ տարբերակում էին աշխարհագրական անվանումների կազմվելու ձևերը: Այն տեղանունները, որոնք կազմվում էին անձնանուններից, որպես կանոն գրվում էին I ցուցիչով (¹Argištišīnili), իսկ աստվածանուններից կազմվածները ունեին աստվածության բացահայտիչ՝ DINGIR (^DQueralini, ^DTeišebaini) կամ էլ միանգամից երկուսը՝ քաղաքի և աստվածության (^{URU.D}Queral-taše)⁸, իսկ միանգամ աշխարհագրական անվանումները, այդ թվում և «Արդինի» ունեն միայն քաղաքի բացահայտիչ՝ URU, որը, ինչպես մեզ թվում է, կասկածի տակ է դնում «Արդինի» անվան այն ստուգաբանությունը, որ բխեցվում է Արդի աստվածուհու անունից: Ինչ վերաբերում է Արդինիում հալդիի պաշտամունքի առաջացման ժամանակին, ապա մեր կարծիքով, այն առաջացել է շատ ավելի վաղ, քանի որ արդեն հին դարաշրջանում Արդինին ուրարտական ցեղերի կրոնական կենտրոնն է եղել⁹:

Ինչպես պարզվում է Սարգոն 2-րդի տարեգրություններից, այն ավարի մեջ, որ հափշտակվել էր հալդիի մուսաբիրյան տաճարից, հիշատակվում են Մենուա թագավորի մեծ եղբայրը, Սարգուրի՝ Իշպունիի որդու արձանը և ցուլի ու կովի հետ հորթի արձանները՝ պատրաստված իր պատվերով¹⁰: Այսպիսով, դեռևս Մենուայի կառավարման ժամանակ, հնարավոր է և Իշպունիի կառավարման օրոք, հալդի աստծո տաճարը գոյություն ունենար Մուսասիրում:

Այս նույն կարծիքին է նաև Բ. Բ. Պիոտրովսկին, որը տաճարի կառուցումը վերագրում է Մենուայի կառավարման շրջանին¹¹:

Գ. Ա. Մելիքիշվիլին «Արդինի» անվան երկու հնարավոր ստուգաբանություն է առաջարկում, որից առաջինը կապված է նույն Մհերի դուռն արձանագրության մեջ հիշատակված Արդիի հետ: Դեռևս Գ. Ա. Ղափանցյանը ուշադրություն է դարձրել, որ ardi-ն հիշատակվում է մի շարք աստվածությունների անուններում (Շերալդի, Մինույարդի) և ենթադրում է, որ ardi-ն հնարավոր է, որ նախապես եղել է հասարակ անուն և ըստ երևույթին ունեցել է «աստղ, լուսատու» նշանակությունը¹²: Այդ հասարակ ardi անվան հետ էլ Գ. Ա. Մելիքիշվիլին կապում է Արդինի քաղաքի անվանումը, գտնելով, որ ասուրական «Մուսասիր» անվան նշանակությունը կապ ունի ուրարտական սույն բառի հետ¹³:

Գ. Ա. Մելիքիշվիլու առաջարկած երկրորդ տարբերակում ենթադրվում է, որ «Արդինի» անունը ծագել է խուդիական art/de—«քաղաք» բառից, չնայած ուրարտացիները «քաղաք» բառի համար ունեին այլ բառ՝ patari: Այսպիսի ստուգաբանությունը կարող է հավաստի համարվել միայն այն դեպքում,

7 УКН, 264, տող 2, 8, 127, 5, տող 42:

8 Բացառություն է կազմում ^{URU}Haldiriulhi անվանումը, որը Գ. Ա. Մելիքիշվիլու վկայությամբ՝ հալդի աստծո հետ ոչ մի առնչություն չունի (УКН, էջ 428):

9 Գ. Ղափանցյան, Ուրարտուի պատմությունը, Երևան, 1940, էջ 41—42, 48, Г. А. Меликишвили, Наир—Урарту, Тбилиси, 1954, стр. 160.

10 АВИИУ, I, № 49, տող 367 և հաջորդները:

11 Б. Б. Пиотровский, Искусство Урарту, М., 1959, стр. 201.

12 Г. А. Капаниця, Об урартском божестве Adarutia («Տեղեկագիր», 1954, № 6—7, էջ 26—29):

13 Г. А. Меликишвили, Наир—Урарту, стр. 36.

ինչպես ենթադրում է Գ. Ա. Մելիքիշվիլին, եթե Արդինին նախ լինել խուռիական բնակավայր, իսկ հետո՝ ուրարտական¹⁴, իր ստուգաբանությունը այդ նույն ardi արմատից է բխեցնում նաև Ի. Մ. Դյակոնովը, որը տվյալ անվան ու/ի վերջավորությունը համարում է որոշիչ մասնիկ, ինչ գոյություն ունի և՛ ուրարտերենում, և՛ խուռիերենում և այն թարգմանում է որպես «քաղաք» Die Stadt¹⁵:

խուռիական ցեղերի տարածման շրջանը մ. թ. ա. երկրորդ հազարամյակում եղել է շատ լայն: Այն իր մեջ ներառում էր տարածքներ Սիրիայից, Հյուսիսային Միջագետքից, Հայկական լեռնաշխարհից և Կիլիկյան Տավրոսից: խուռիական պետություններից խոշորագույնի՝ Միտանիի ազդեցությունը տարածվում էր Վերին նիփրատի հովտով դեպի վեր և ընդգրկում էր նաև արևելյան Տիգրիսի և Վերին Զաբի հովիտները, այսինքն՝ Հայկական լեռնաշխարհից հարավ ընկած ամբողջ տարածքը: Հնարավոր է, որ Միտանիի ազդեցությունը տարածված է եղել մինչև Վանա լճի հարավային ափերը¹⁶:

Արդինի (ասուրերեն՝ Մուսասիր) քաղաքի երկիրը հետազոտողների կողմից տեղայնացվում է Վանա լճի մոտավորապես հարավ-արևելքում, իսկ նրա մայրաքաղաքը, Արդինին՝ ներկայիս Ռեանդուզ քաղաքի շրջանում¹⁷, այսինքն՝ այն տարածքում, որը գտնվում էր Միտանիի ազդեցության տակ և մտնում էր խուռիական ցեղերի տարածման շրջանի մեջ¹⁸:

Մ. թ. ա. երկրորդ հազարամյակի կեսում խուռիների բնակության տարածքը, հավանաբար Միտանիի անկման պատճառով, սկսել է փոքրանալ, և, ըստ երևույթին մ. թ. ա. XIV—XIII դդ., այդ տարածքում սկսել են բնակություն հաստատել ուրարտական ցեղերը, որոնք նախապես բնակվելիս են եղել Վանա լճի հարավ-արևելյան ափի երկայնքով, և որոնք էլ խուռիներից լիովին են առել «Արդինի» անվանումը:

Բացի այդ, հաշվի առնելով ուրարտական և խուռիական լեզուների արտակարգ մոտ ազգակցությունը, կարելի է ենթադրել, որ ուրարտերենում գոյություն է ունեցել ardi բառը, «քաղաք» նշանակությամբ, որը հետագայում դուրս է մղվել patarի բառի կողմից, կամ էլ դրանք երկուսն էլ զուգահեռաբար գոյություն են ունեցել (հմտ. անգլերեն town և city):

Այսպիսով, ի մի բերելով վերը շարադրվածը, գալիս ենք այն հետևություն, որ այն տարածքը, որի մեջ ըստ երևույթին պետք է գտնվեր Արդինի քաղաքը, նախապես բնակեցված է եղել խուռիներով: Հետագայում այդ տարածքում բնակություն հաստատեցին ուրարտական ցեղերը, որոնք իրենց հետ բերին իսլդի աստծո պաշտամունքը և, ի վերջո, այդ ցեղերի միավորման նախնական փուլում Արդինին դարձավ նրանց քաղաքական կենտրոնը, իսկ իսլդիի պաշտամունքը, որպես բուսականության աստծո, վերաճեց գերագույն աստծո պաշտամունքի:

¹⁴ Նույն տեղում, էջ 36:

¹⁵ И. М. Дьяконов, Язык древней Передней Азии, М., 1968, стр. 132. 139.

¹⁶ И. М. Дьяконов, Предыстория армянского народа, Ереван, 1968, стр. 44—47.

¹⁷ Г. А. Мелликишвили, Мусасир и вопрос о древнейшем очаге урартских племен («Вестник древней истории», 1948, № 2, стр. 37, прим. 1).

¹⁸ А. Goetze, Kleinasien, München, 1954, S. 48—49 և քարտեզը. И. М. Дьяконов, Предыстория армянского народа, стр. 45 և քարտեզը:

К ВОПРОСУ ОБ ЭТИМОЛОГИИ УРАРТСКОГО НАЗВАНИЯ
«АРДИНИ»

Л. Н. БНЯГОВ

Резюме

Город Ардини урартских источников соответствует ассирийскому названию *Mušaṣir*, выступающему также и в качестве области. К. Ф. Лемани-Гаупт интерпретирует Мусасир как «(место) выхода змеи», а А. Гетце как «сверчок, саранча» от аккадского «*šaṣiru*» и считает, что урартское Ардини должно также означать «сверчок, саранча».

Г. Б. Джаукян в названии Ардини выделяет корень *ard* и сравнивает с урартским *ardišc*— «сила, власть», устанавливая таким образом далекое родство с индоевропейским «**ag-l-*, «**ḡ-t-*». Н. В. Арутюнян урартское Ардини выводит из имени богини Ардини мхеркапусинской надписи.

Не соглашаясь с интерпретациями названия Мусасир, Г. А. Меликишвили в свою очередь предлагает два варианта этимологии названия Ардини. Первый из них исходит от нарицательного *ardī*, которое по предположению Г. А. Капанцяна могло иметь значение «звезда», а второй — от хурритского корня *arī/de*— «город», считая его действительным в случае, если ранее на этой территории обитали хурриты. Такую же этимологию предлагает И. М. Дьяконов.

В I половине II тыс. до н. э. территория Мусасира (около совр. города Ревандуз) входила в ареал распространения хурритских племен. В конце XIV в. до н. э., видимо, в результате падения Митаннии, сюда начали переселяться урартские племена и заимствовали название Ардини, превратив его в центр объединения.

Кроме того, хурритские и урартские языки были чрезвычайно близки и вполне возможно предположение, что и в урартском существовал термин *ardī* для обозначения города.